

Nunatta Karsiata 2014-imut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut.

(Aningaasaqarnermut, Aatsitassanut Nunanullu Allanut Naalakkersuisoq)

Akissuteqaat

(Aningaasaqarnermut, Aatsitassanut Nunanullu Allanut Naalakkersuisoq)

Aappassaaneerinnineq

Naalakkersuisut sinnerlugit Kukkunersiuinermit Ataatsimiititaliaq qutsavigerusuppara sulilluarsimaneranut, Nunatta Karsiata ukiumoortumik 2014-mut naatsorsuutaasa suliarinerini.

Naalakkersuisut nuannaarutigivaat ataatsimiititaliap tamarmiusup naatsorsuutit eqqortumik takussutissiisutut nalilerlugit akuerineqarnissaat inassutigimmassuk.

Tamatumalu saniatigut ataatsimiititaliaq arlalinnik aalajangersimasunik apeqquteqarpoq, Naalakkersuisunit ataasiakkaanit akineqartussanik. Akissuteqaatit Ataatsimiititaliamut piaartumik nassiunneqarumaarput.

Kiisalu Ataatsimiititaliap kissaatigisimavaa Sanaartornermut Iuarsagassanullu Aningaasaateqarfik pillugu 2013-imi nassuiaatip kinguaattoorneranut annertunerusumik paasissutissiisoqassasoq. Ineqarnermut Sanaartornermut Attaveqatigiinnermullu Naalakkersuisoqarfimmit paasissutissiissutigineqarpoq, immikkoortortaqaarfimmi sulisutigut amigaateqartoqarnera immikkut peqquutit taasarialik, saniatigut naatsorsuinertigut naligiissaarineq kiisalu maanaanaq qinersisoqartariaqalersimaneq aamma peqqutaataasimasoq.

Ineqarnermut Sanaartornermut Attaveqatigiinnermullu Naalakkersuisoqarfimmit paasissutissiissutigineqarpoq naatsorsuinermit atorneqartartup XAL - aningaasatigut naatsorsuinermit atortorissaarutip nammineerluni kisitsisit ikkussorneqartut Sanaartornermut Iuarsagassanullu Aningaasaateqarfimmit inississorsinnaaneq ajormagit, tamakkuli assassornikkut ataasiakkaarlugit ikkussorneqaqqaartariaqartarmata. Tamanna oqilisaaffiginiarlugu Nunatta karsianik kukkunersuiisoq Deloitte suliaqaleruttorpoq XAL-systemimi toqqaannartumik kisitsisit ikkussukat naatsorsorneqareerlutik inernerisa ersertarnissaat ajornarunnaartillugu aaqqiissutissamik, taamaalillunilu qaammatikkaartumik Sanaartornermut Iuarsagassanullu Aningaasaateqarfimmit kisitsisit pissarsiat naatsorsuutitut inissititereertalerniassammata. Taamaalippallu ukiumoortumik nalunaarussiaq oqinnerusumik suliarineqartalissaaq.

Suliap saniatigut naatsorsuusiormi systemimik atugassamik nutaamik ujaasisoqarpoq ERP-projektimut atasumik.

Naggasiutigalugu oqaatigissavara uangattaaq Ataatsimiititaliap kissaataa ilaleerusukkakku, tassalu siunissami Nunatta Karsiata naatsorsuutaasa suliarinerisa sumut killinneranik ataavartumik ilisimatitsissuteqartarnissamik.

Taama oqaaseqarlunga siunnersuut Inatsisartunut naggataarutaasumik aappasaaneerutaasumillu suliassanngorlugu saqqummiuppara.